

WUSMUŽ

čo. 33

- a) njewšědnje wulka noha
- b) běžita abo židka jědź z krupicy, muki abo druhich přidawkow
- c) kuboćik, kotryž za ludži wari

Prawa je wotmołwa **b**.

Wusmuž je pomjenowanje za mjenje abo bóle židku jědź najwšelakorišeho raza. Ja jěm na přikład kóžde ranje wusmuž z wowsnych tružkow z malenami. Snadź znajeće tež bajku wo horncu, w kotrymž so wusmuž hižo warić njeprěsta a so po cylej kuchni rozpřestrěwaše.

Přípódla prajene:

Mamy wjacore prajidma, w kotrychž so wusmuž jewi. Tak móžemy někomu wusmuž přeselić, jeli něšto činimy, štož jemu napřeki džěła. Smy hotowi na wusmužowu horu, hdyž smy dospołnje wučerpani.

Příklady z rěčneho korpusa:

Z přenimi narodninami so tak mjenowana čěšenkowa staroba skónči. Pawoł džensa swojim kmótřam pokazuje, kak móže hižo z podpěru nana abo mačerje běhać, samostatnje pić, ze lžicu swój dobry džěćacy *wusmuž* jěsć (tež hdyž lěpi po jědźi poľojca wusmuža na drasće a blidže), a zo zrozumi hižo namoľwy a zakazy staršeju. (Płomjo. Serbski časopis za džěći, lětnik 2009)

Kaša je powšitkowne zapřijeće za ruski *wusmuž*, w kotrymž so dzeń wote dnja něšto nowe chowa. (Serbske Nowiny 2006, oktober-december)

Spěchaše, jachleše za Koblikom, kiž hibaše so mjez kerčinu tak wušiknje kaž wjewjerčka. *Hotowaj na wusmužowu horu* padnyštaj na lěsnu łuku. (Jěwa-Marja Čornakec, Matej w štwórtěj dimensiji. Budyšin 1996)